



苑詩類選卷之八

明監察御史包節輯按察司知事前給事中王交校

應制部四

送餞 寺院 宮觀

○奉和送金城公主適西蕃應制

李嶠

漢帝撫戎臣
絲言命錦輪
還將弄機女
遠嫁織皮人
曲怨關山月
粧消道路塵
所嗟穠李樹
空對小榆春

又

沈佺期

金榜扶丹掖
銀河屬紫闈
那堪將鳳女
還以嫁烏孫
玉就歌中怨
珠辭掌上恩
西戎非我匹
明主至公存

又

絳河從遠娉青海赴和親月作臨邊曉花為度鳥春主
歌悲顧鶴帝策重安人獨有瓊簫處悠悠思錦輪

李適

又

天道能殊俗深恩乃戢兵懷荒寄赤子忍愛鞠蒼生月
下瓊娥去星分寶婺行關山馬上曲相送不勝情

薛稷

又

下嫁戎庭遠和親漢禮優笳聲出虜塞簫曲背秦樓貴
主悲黃鶴征人怨紫騮皇情眷億兆割念俯懷柔

鄭愔

又

崔湜

懷戎前冊備降女舊姬脩簫鼓辭家怨旌旃出塞愁尚
孩中念切方遠御慈流顧乏謀臣用仍勞聖主憂

又

劉憲

外館踰河右行營指路岐和親悲遠嫁慈愛泣將離旌
旆羗風引軒車漢月隨那堪馬上曲時向管中吹

又

徐彥伯

鳳哀憐簫曲鸞閨念掌珍虜庭遙築館漢策重和親星
轉銀河夕花移玉樹春聖心悽送遠留蹕望征塵

又

唐遠志

皇恩睠下人割愛遠和親少女風遊兌姮娥月去秦龍

笛迎金榜驪歌送錦輪那堪桃李色移向虜庭春

又

常元旦

柔遠安夷俗和親重漢年軍容旌節送國命錦車傳琴
曲悲千重簫聲戀九天唯應漢西月來就掌珠圓

又

馬懷素

帝子今何去重如適異方離情愴宸掖別路遶關梁望
絕園中柳悲纏陌上桑空餘頭黃鵠東顧憶迴翔

又

徐堅

星漢下天孫車服降殊蕃匣中詞易切馬上曲虛繁關
塞移珠額風塵暗一作照錦軒簫聲去日遠萬里望河源

又

蘇頌

帝女出天津和戎轉尉輪川經斷腸望地與折支隣奏
曲風嘶馬嘶孟月伴人旋知偃兵革長是漢家親

又

閻朝隱

甥舅同親地君臣厚義鄉還將貴公主嫁與禱氈王鹵
簿山川閭琵琶道路長迴瞻父母國日出在東方

又

張說

青海和親日潢星出漢時戎王子壻寵漢國舅家慈春
野開離宴雲天起別詞空彈馬上曲詎減鳳樓思

又

崔日用

一作趙彦昭

聖后經綸遠謀臣計畫多受降
追漢策築館許戎和俗
化烏孫壘春生積石河六龍
今出餞雙鶴願為歌

又

武平一

廣化三邊靜通如四海安
還將膝下愛持副域中歡
聖念飛玄藻仙儀下白蘭
日斜征蓋沒歸騎動鳴鑾

餞中書侍郎來濟

唐太宗

暖曖去塵昏灞岸飛飛輕蓋
指河梁雲峯衣結千重葉
雪岫花開幾樹芳深悲黃鶴
孤舟遠獨嘆青山別路長
聊將分袂霑襟淚還用持添
離席觴

奉和前聖製應詔

許敬宗

萬乘騰鑣警岐路百壺供帳餞
離宮御溝分水聲難絕
廣宴當歌曲易終興言共傷
千里道俯迹聊示五情同
良哉既深留帝念沃化方有
贊天聰

奉和聖製幸望春宮送朔方大總管張仁亶

李嶠

玉帳徵驕子金符命老臣
三軍張武旆萬乘餞行輪
猛氣凌玄朔崇恩降紫宸
投醪還約士辭第在忘身
露下鷹初擊風高鴈欲賓
方銷塞北祲還靜漠南塵

又

李適

地限驕南牧天臨餞北征
解衣延寵命橫劔摠威名
豹

應制部四 卷八
畧恭宸旨雄文動睿情坐觀凱拜入朝夕受降城

又

李义

邊郊草具腓河塞有兵機上宰調梅寄元戎細柳威虎
貔東道出鷹隼北庭飛玉匣謀中野金輿下太微投醪
銜餞酌緝衮事征衣勿謂公孫老行聞獻凱歸

又

鄭愔

御蹕下都門軍麾出塞垣長楊誇虜騎細柳接戎軒睿
曲風雲動邊威鼓吹喧坐帷將闕外俱是報明恩

又

劉憲

命將擇耆年圖功勝必全光輝萬乘餞威武二庭宣中

衢橫鼓角曠野蔽旌旃推食天厨至投醪御酒傳涼風
過鴈苑殺氣下雞田分閫息何極臨岐動睿篇

又

蘇頲

北風吹早鴈日夕渡河飛氣冷葭應折霜明草正腓老
臣帷幄筭元宰廟堂機餞飲迴仙蹕臨戎解御衣軍裝
乘曉發師律候春歸方佇勳庸盛天詞降紫微

送沙門弘景道俊玄裝還荊州應制

宋之問

三乘歸淨域萬騎餞通莊就日離亭近彌天別路長荆
南旋杖鉢渭北限津梁何日紆真果還來入帝鄉

又

李义

初日乘歸旨秋風起贈言漢珠留道味江璧返真源地
出南關遠天迴北斗尊寧知一柱觀却起四禪門

送張說巡邊

唐玄宗

端拱復垂裳長懷御遠方股肱申教義戈劔靜要荒命
將綏邊服雄圖出廟堂三台入武帳八座起文昌寶胄
匡韓主華宗輔漢王茂先慙博物平子謝文章盡節恢
時佐輸誠禦寇場三軍臨朔野駟馬即戎行鼓吹威夷
狄旌軒溢洛陽雲臺先著美今日更貽芳

將赴朔方軍應制

張說

逢明主韜鈴用老臣恭憑神武策遠御鬼方人供
榮恩錢山川喜詔巡天文日月送朝賦管絃新紉志
傳三畧裒材謝六鈞膽猶忠作伴心故道為隣漢保河
南地胡清塞北塵連年大軍後不日小康辰劔舞輕離
別歌酣忘苦辛從來思博望許國不謀身

奉和聖製送尚書燕國公赴朔方應制

徐堅

至德撫遐荒神兵赴朔方帝思元帥重爰擇股肱良累
相承安世深籌叶子房寄崇專鈇鉞禮備設壇場鞞鼓
喧雷電戈劔凜風霜四騏將戒道十乘起先行聖錫加

恒數天文耀寵光出郊開帳飲寅餞盛離章雨濯梅林
潤風清麥野涼燕山應勒頌麟閣佇名揚

又

崔日用

軒相推風后周官重夏卿廟謀能允迪韜畧又縱橫吉
日差黃馬宣王六月兵擬清雞鹿塞先指朔方城列將
懷威撫匈奴畏盛名去當推轂送來佇出郊迎絕漠蓬
將斷華筵槿正榮壯心看舞劍別緒應懸旌睿錫承優
旨乾文復寵行整勞期永逸赫矣振天聲

又

崔泰之

南庭胡運盡北斗將星飛旗鼓臨沙漠旌旂出洛畿關

山遶玉塞烽火映金微屢獻帷謀策頰承廟勝威躡蹠
臨河騎逶迤度隴旂地脉平千古天聲振九圍車馬生
邊氣戈鋌駐落暉夏近蓬猶轉秋深草未腓餞送紆天
什恩榮賜御衣佇勒燕山頌鳴騶計日歸

又

宋璟

帝道薄存兵王師尚有征是關司馬法爰命摠戎行畫
闡崇威信分麾盛寵榮聚觀方結轍出祖遂傾城聖酒
江河潤天詞象緯明德風邊地偃勝氣朔雲平宰國推
良器為軍挹壯聲至和常得體不戰即忘精以智泉寧
竭其徐海自清還廟堂座贈別故人情

又

賀知章

荒憬盡懷忠梯航已自通九功雖不戰五月尚持戎遣
戍徵周牒恢邊重漢功選車命元宰授律取文雄曹出
天弧上謀成帝幄中詔旂分夏物專計錫唐弓帳宿伊
川右鉦傳晉苑東饗人藉蕡實樂正理絲桐岐陌涵餘
雨離川照晚虹恭聞詠方叔千載舞皇風

又

蘇晉

方漢比周年興王今在宣亟聞降虜拜復覩出師篇祈
父萬邦式英猷三畧傳筭車申夏政芟舍祭戎田嚴問
盈胡苑軍容濟洛川皇情悵關旆詔餞列郊筵路接禁

園草池分御井蓮離聲軫去角居念斷歸蟬三捷豈云
爾七擒良信然具寮有誠寄奏凱秋風前

又

韓休

一德光台象三軍掌夏卿來威申廟畧出摠叶師貞受
鉞辭金殿憑軒出鼎城曙光搖組甲踈吹繞雲旌左律
方先凱中輦即訓兵定功彰武事陳頌紀天聲祖宴初
留賞宸章更寵行車徒零雨送林野夕陰生路極河流
遠川長朔氣平南轅逕返旆歸奏謁承明

又

席豫

聖主重兵權分麾屬大賢中軍仍執節丞相復巡邊翕

習戎裝動張皇廟畧宣朝榮承睿札野餞轉行旃亭障
東緣海沙塲北際天春冬見巖雪朝夕候風烟已勒封
山記猶聞遣戍篇五營將月合八陣與雲連經畧圖方
遠懷柔道更全歸來畫麟閣藹藹武功傳

又

王翰

紫蓋一作綬尚書印朱駟丞相車登朝身許國出關將辭
家不憚炎蒸苦親嘗走集賒選徒軍有令誓卒爾無譁
帝樂風初起王城日半斜寵行流聖作寅餞照台華騎
歷河南樹旌搖塞北沙榮懷應盡服嚴殺已先加紫峻
靈祇保功成道路嗟寧知鑿空使遠致石榴花

又

王光庭

賢相德符充朝推文武雄海波先若鏡關草預從風鉞
助將軍勇威成天子功瓊章九霄發錫宴五衢通玉輶
龍盤帶金裝鳳勁驄虎貔紛凝凝河潞震熊熊戈劔千
霜白旌旗萬火紅示刑夷夏變流惠鬼神同寇息軍容
偃塵銷朔野空用師敷禮樂非是為獯戎

又

袁暉

出師宣九命分闡用三台始應幕中畫言從天上來丹
青不獨任韜畧遂雙該坐見威稜洽彌彰事業恢旌旗
曉雲送輦鼓朔風吹虜氣銷殘月邊聲韻落梅羽書雄

北地龍漠寢南埃寵戰黃金盡輸誠白日迴離章宸翰
發祖讎國門開欲識恩華盛平生文武材

又

徐知仁

聖德膺三統皇威被八埏大明均照物小醜未寧邊國
相台衡重元戎廟畧宣紫泥方受命黃石乃推賢問罪
陰山下安人屬國前度關行照月乘障坐銷烟北闕紆
宸藻南橋列祖筵耀威當夏日殺氣指秋天鞞鼓龜鼉
振旌旗鳥獸懸由來詞翰手今見勒燕然

又

張嘉貞

天錫我宗盟元戎付夏卿多才兼將相必勇獨橫行經
緯稱人傑文章作代英山川看是陣草木想為兵不待
河水合猶防塞月明有謀當擊醜無戰且綏氓閩外傳
三峒雲中冀一平感恩同義激悵別屢魂驚直視前旌
掣遙聞後騎鳴還期方定日復此出郊迎

又

盧從愿

上將發文昌中軍靜朔方占星引旌節擇日拜壇塲禮
樂臨軒送威聲出塞揚安邊俟帷幄制勝在巖廊作鼓
將軍氣投醪壯士觴戒途遵六月離贈動三光槐路清
梅暑蘅臯起來麥涼時文仰雄伯耀武震遐荒衽席知無
戰兵戈示不忘佇聞歌杖杜凱入繫名王

又

王丘

德業蘊時宗幽符夢象通台司寄祈父師律總元戎出入敷能政謀猷體至公贈行光睿什宴別感宸衷文炳高天曜恩垂湛露融建牙之塞表鳴鼓接雲中策密鬼神秘威成劔騎雄朔門正炎月兵氣已秋風肅殺從此始方知胡運窮

又

張九齡

宗臣事有征廟筭在休兵天與三台座人當萬里城朔南方偃革河北暫揚旌寵錫從仙禁光華出漢京山川勤遠畧原隰軫皇情為奏薰情唱仍題寶劔名聞風六郡勇計日五戎平山南歸應疾留侯功復成歌鍾旋可望枕席豈難行四牡何時入吾君憶履聲

又

許景先

文武承邦式風雲感國禎王師親賦政廟畧久論兵漢主知三傑周官統六卿四方分閫受千里坐謀成介冑辭前殿壺觴宿左營賞延頒賜厚宸贈出車榮龍武三軍氣魚鈴五校名郊雲駐旌羽邊吹引金鉦訓旅方稱德安人更克貞佇觀銘石罷同聽凱歌聲

又

崔禹錫

供帳何煌煌公共撫朔方羣寮銜餞酌明主降離章關

塞重門下郊岐禁苑旁陳兵宜雨濯卧鼓候風涼炎景
寧云憚神謀肅所將旌搖天月迥騎入塞雲長赫赫皇
威振油油聖澤滂非唯按車甲兼以正封疆叱咤陰山
道澄清瀚海陽虜垣行決勝台座佇為光

賜崔日知往潞州

唐玄宗

潞國開新府壺關寵舊林妙旌循吏德特悅庶氓心禮
樂中朝貴仁明列郡欽揚風非贈扇易俗是張琴藩鎮
謳謠滿行宮雨露深會書丞相策先賜潁川金

奉和前聖製

張說

聖情留曩鎮佳氣翊興王增戟雄都府高車轉太常川

橫八練潤山帶五龍長連帥初息命天人舊紀綱錢途
飛御藻闔境自生光明主徵循吏何年下鳳凰

錢王昫巡邊

唐玄宗

振武威荒服揚文肅遠墟金壇申將禮玉節授軍符免
胄三方外銜刀萬里餘昔時吳會靜今日虜庭虛分闡
仍推轂援桴且訓車風颺旌旆遠雨洗甲兵初坐見台
階謚行聞妖祲除檄來雖插羽箭去亦飛書舟楫功湏
著鹽梅望匪踈不應陳七德欲使化先敷

奉和前聖製

張說

六月歌周雅三邊遣夏卿欲施攻戰法先作簡稽行禮

樂知謀帥春秋識用兵一勞堪定國萬里即長城策有
和戎利威傳破虜名軍前雨灑道樓上月臨營別藻瑤
華降同衣錦褱榮關山由義近戈甲為恩輕絲竹路旁
散風雲馬上生朝廷謂吉甫邦國望君平

又

張九齡

漢相推人傑殷宗伐鬼方還聞出將重坐見即戎良上
策應為豫中權且用光令申兵氣倍威勝虜魂已樹比
公孫大城如道濟長夏雲登隴首秋露泫遼陽武德舒
宸睠文思餞樂章感息身既許激節膽猶嘗祖帳傾朝
列軍麾駐道旁詩人何所詠尚父欲鷹揚

奉和聖製漕橋東送新除岳牧

蘇頌

寶賢不遺俊臺閣盡鴛鸞未若安人切其如簡帝難上
才鷹出典中旨念分官特以專城貴深惟列郡安政行
思務本風靡屬勝殘有令田知急無紛獄在寬至言題
睿札殊渥洒仙翰詔餞三台降朝榮萬國歡舉杯臨水
發張樂擁橋觀式佇東封會鏘鏘檢玉壇

奉和聖製衣暮春送朝集使歸郡

王維

萬國仰宗周衣冠拜冕旒玉乘迎大客金節送諸侯祖

席傾三省褰帷向九州楊花飛上路槐色蔭通溝來預
鈞天樂歸分漢主憂宸章類河漢垂象滿中洲

送李邕之任滑臺

唐玄宗

漢家重東郡死彼白馬津黎庶既蕃殖臨之勞近臣遠
別初首路今行方及春課成應第一良牧爾當仁

奉和前聖製

張九齡

眷言感忠義何有間山川狗節今如此離情空復然皇
心在勤恤德澤委昭宣期月功成後明年或勞還

送賀知章歸四明

唐玄宗

遺榮期入道辭老竟抽簪豈不惜賢達其如高尚心宸

中得秘要方外散幽襟如有青門錢羣寮悵別深

又應制

李林甫

挂冠知止足豈獨漢踈賢入道求真侶辭息訪列仙
文含日月宸翰動雲煙鶴駕吳鄉遠逍遙南斗邊

又

李白

久辭榮祿遂初衣曾向長生說息機真訣自從茅氏得
恩波應許洞庭歸瑤臺含霧星辰滿仙嶠浮雲島嶼微
借問欲棲珠樹鶴何年却向帝城飛

以上送錢

○過慈恩寺

唐太宗

日宮開百仞月殿聳千尋花蓋飛圓影幡虹曳曲陰霞

綺遙龍帳叢珠細網林寥廓烟雲表超然物外心

奉和前聖製

許敬宗

鳳閣隣金地龍旂拂寶臺雲楣將葉並風牖送花來月
宮清晚桂虹梁絢早梅梵境留宸矚揆發麗天才

和九月九日登慈恩寺浮圖應制

李嶠

瑞塔千尋起仙輿九日來萸房陳寶席菊蕊散花臺御
氣鵬霄近升高鳳野開天歌將梵樂空裏共徘徊

又

盧藏用

化塔龍山起中天鳳輦迂絲旒牽畫刹雅佩冒香萸寶

葉擎千座金英漬百盃秋雲飄聖藻霄極捧連珠

又

蕭至忠

天蹕三乘起星輿六轡行登高凌寶塔極目遍王城神
衛空中遶仙歌雲外清重陽千萬壽率舞頌昇平

又

宋之問

鳳刹凌雲半虹旗倚日邊散花多寶塔張樂布金田時
菊芳仙醞秋蘭動睿篇香街稍欲晚清蹕扈歸天

又

楊廉

萬乘臨真境重陽眺遠空慈雲浮鴈塔定水映龍宮寶
鐸含飈響仙輪帶日紅天文將瑞色輝煥滿寰中

又

湧塔臨玄地高層瞰紫微鳴鑾陪帝出攀椽翊天飛慶
洽重陽壽文含列象輝小臣叨載筆無以頌巍巍

李义

又

薛稷

寶宮星宿劫香塔鬼神功王遊騁塵外春覽出區中日
宇開初景天詞掩大風微臣謝時菊薄綵入芳叢

又

鄭愔

湧霄開化塔倒景駐仙輿鴈子成堂處龍王起歲初秋
風聖主曲佳氣史官書願獻重陽壽承歡萬歲餘

又

崔湜一作上官昭容

帝里重陽節香園萬乘來卻邪莫結珮獻壽菊傳杯塔
類承天湧門疑待佛開睿詞懸日月長得御昭回

又

趙彦昭

出豫乘嘉節憑高陟梵宮皇心滿塵界佛迹見虛空日
月宜長壽天人得大通喜聞題寶偈受記莫由同

又

劉憲

飛塔雲霄半清晨羽旆遊一作香塔層雲半仙鑣淨境遊登臨憑季月

寥廓見中州御酒新寒退天文瑞景留辟邪將獻壽茲

日奉千秋

又

解琬

瑞塔臨初地金輿幸上坊空邊有清淨覺處無馨香雨
霽微塵斂風秋定水涼茲辰探仙菊薦壽慶重陽

又

張錫

九州霜景淨千門曉望通仙遊光御路瑞塔迥凌空菊
綵揚堯日萸香遶舜風天文麗辰象竊抃仰層穹

又

馬懷素

季月啓重陽金輿陟寶坊御旗橫日道仙塔儼雲庄帝
蹕千官從乾詞七曜光顧慙文墨職無以頌時康

又

岑羲

寶臺聳天外玉輦步雲端日麗重陽景風搖季月寒梵

堂遙集鴈帝樂近翔鸞願獻延齡酒長承湛露歡

又

李迥秀

沙界人王塔金繩梵帝遊言從祇樹賞行玩菊叢秋御
酒調甘露天花拂綵旒堯日持佛日同此慶時休

又

樊忱

淨境重陽節仙遊萬乘來挿萸登鷲嶺把菊坐蜂臺十
地祥烟合三天瑞景開秋風詞更遠竊抃樂康哉

又

王景

玉輦移中禁珠梯覽四禪重階清漢接飛竇紫霄懸綴
葉披天藻吹花飲御筵得因鑿蹕暇俱舞鶴林前

又

寶地臨丹掖香臺瞰碧雲關山江外出城闕樹中分
露藻蘭英秀仙杯菊蕊薰願將今日樂長奉聖明君

李恒

又

紫宸歡每洽紺殿法初隆菊泛延齡酒蘭吹解愠風咸
英調正樂香梵遍秋空臨幸符天瑞重陽日再中

崔日用

又

鷲林化塔起鳳輦順時遊重九昭皇慶大千揚帝休耆
闡妙法闡王舍睿文流至德覃無極小臣歌詎酬

畢乾太

又

辛替否

洪慈均動植至德俯深玄出豫從初地登高適梵天白
雲飛御藻慧日暖皇編別有秋原藿長傾雨露綠

又

麴瞻

扈蹕遊玄地陪仙暇紫微似遂銖衣劫將同羽化飛雕
戈秋日麗寶劍曉霜飛獻觴乘菊席長願奉天暉

又

孫佺

應節萸房滿初寒菊浦新龍旂煥辰極鳳駕儼香輪蓮
井偏疑夏梅梁更若春一忻陪薦塔還似得天身

又

周利用

出豫乘金節飛文煥日宮萸房開聖酒奈苑被玄功塔

向三天迥禪一作收八解空叨恩奉蘭藉終媿洽薰風

又 張景源

飛塔凌霄起宸遊一屆焉金壺新泛菊寶座即披蓮就日搖香輦憑雲出梵天祥氣與佳色相伴雜鑪烟

又 李從遠

九月從時豫三乘為法開中霄日天子半座寶如來摘果珠盤獻攀萸玉輦迴願將塵露點遙奉光明臺

閏九月九日幸摠持寺登浮圖應制

李嶠

閏節開重九真遊下大千花寒仍薦菊座晚更披蓮刹

鳳迴雕輦幡虹間綵旃還將西梵曲助入南薰絃

奉和聖製閏九月九日登莊嚴摠持二寺

宋之問

閏月再重陽仙輿歷寶坊帝歌雲稍白御酒菊猶黃風鐸喧行漏天花拂舞行豫遊多景福梵宇日生光

又 李义

清蹕映禪樓前驅歷御溝還疑九日豫更想六年遊聖藻輝纓絡仙花綴冕旒所忻延億載寧此慶重秋

又 劉憲

重陽登閏序上界叶時巡駐輦烟花落開筵妓樂陳城

應制詩四
卷八
端刹柱見雲表露盤新臨睨光輝滿飛文動睿神

奉和幸三會寺應制

李嶠

故臺蒼頡里新邑紫泉居歲在開金寺時來降玉輿龍
形雖起刹鳥跡尚留書竹是蒸青外池仍點墨餘天文
光聖草寶思合真如謬奉千齡日忻陪十地初

又

宋之問

六飛迴玉輦雙樹謁金仙瑞鳥呈書字神龍吐浴泉淨
心遙證果睿想獨超禪塔湧香花地山圍日月天梵香
迎漏轉空樂倚雲懸今日登仁壽長看法鏡圓

又

李乂

睿德摠無邊神臯擇勝緣二儀齊法駕三會禮香筵漢
闕中黃近秦山太白連臺疑觀鳥日池似刻鯨年滿月
臨真鏡秋風入御絃小臣叨下列持管謬窺天

又

鄭愔

鳥籀遺新閣龍旗訪古臺造書臣頡往觀跡帝羲來法
界山川匝宸心宇宙該梵音隨駐輦天步接乘杯舊苑
經寒露殘池問劫灰散花將捧日俱喜聖詞開

又

劉憲

峯堯蒼史臺敞朗紺園開戒旦壺人警翻霜羽騎來下
輦登三襲褰旒望九垓林披館陶榜水浸昆明仄網戶

飛花綴幡竿度鳥迴豫遊仙唱動瀟灑出塵埃

又

上官婕妤

釋子談經處軒臣刻字留故臺遺老識殘簡聖皇求駐蹕懷千古開襟望九州四山緣塞合二水夾城流宸翰陪瞻仰天杯接獻酬太平詞藻盛長願紀鴻休

奉和幸大薦福寺

寺即中宗舊宅

李嶠

鴈沼開香域鷲林降綵旒還窺圖鳳宇更坐濯龍川桂輦朝群辟蘭宮列四禪坐空銀閣斷分砌寶繩連甘雨蘇譙澤慈雲動沛篇獨慙賢作礪空喜福成田

又

宋之問

香刹中天起宸遊滿路輝乘龍太子去駕象法王歸殿飾金人影窓搖玉女扉稍迷新草木遍識舊庭闌水入禪心定雲從寶思飛欲知皇劫遠初拂六銖衣

又

李乂

象設隆新宇龍潛想舊居碧樓披玉額丹枕導金輿代日興光近周星掩曜初空歌清沛筑梵樂奏胡書帝造還三界天文賁六虛康哉孝理日崇德在真如

又

鄭愔

舊邸三乘闢佳辰萬騎留蘭圖奉葉偈芝蓋拂花樓圖會人王法宮還天帝遊紫雲成寶界白水作禪流鴈塔

唐詩卷八
李嶠
宋之問
李乂
鄭愔
李嶠

昌基遠鷲林
睿藻抽忻承
大風曲竊預
小童謳

又

趙彥昭

瑤池龍飛後
金身佛現時
千花開國界
萬善累皇基
北闕承行幸
西園屬住持
天衣拂舊石
王舍起新祠
剎鳳迎瑤輦
幡虹駐綵旗
同霑小雨潤
竊仰大風詩

又

劉憲

地靈傳景福
天駕儼鈞陳
佳哉藩邸舊
赫矣梵宮新
香塔魚山下
禪堂鴈水濱
珠幡映白日
鏡殿照青春
甚歡延故吏
大覺拯生人
幸承歌頌末
長奉屬車塵

又應制

宋之問

梵筵光聖邸
仙豫覽宏規
不改靈光殿
因開功德池
蓮生新步葉
桂長昔攀枝
湧塔庭中見
飛樓海上移
聞韶三月幸
觀象七星危
欲識龍歸處
朝來雲氣隨

岳寺應制

前人

暫幸珠筵地
俱憐石瀨清
泛流張翠幙
拂迥挂紅旌
雅曲龍調管
芳尊蟻泛觥
陪歡玉座晚
復得聽金聲

少林寺應制

前人

紺宇橫天室
迴鑿指帝休
曙陰迎日盡
春氣抱崑流
空樂繁行漏
香煙薄綵旒
玉膏從此泛
仙馭接浮丘

從幸香山寺應制

沈佺期

應制部四
卷八
南山奕奕通丹禁北闕峩峩連翠雲嶺上樓臺千地起
城中鍾鼓四天聞旃檀曉閣金輿度鷲鷲暗林綵旄分
願以醍醐參聖酒還將祇苑當秋汾

奉和聖製同皇太子遊慈恩寺應制

前人

肅肅蓮花界熒熒貝葉宮金人來夢裏白馬出城中湧
塔初從地焚香欲遍空天歌應春籥非是為秋風

又二首

張說

翼翼宸息永煌煌福地開離光昇寶殿震氣遶香臺上
界幡花合中天日月來願君無量壽仙藻屢徘徊

其二

朗朗神居峻軒軒瑞氣威聖君成願朱太子拂天衣至
樂三靈會深仁四皓歸還聞渦水曲更遶白雲飛

駕幸天長寺應制

釋廣宣

天界宜春賞禪門不掩關宸遊雙闕外僧引百花間車
馬喧長路烟雲淨遠山觀風復觀俗皇覽此中閑

駕幸紅樓院應制

沈佺期

紅樓疑見白毫光寺逼宸居福盛唐支遁愛山情漫切
曇摩泛海路空長經聲夜息聞天語爐氣晨飄接御香
誰謂此中難可到自憐深院得迴翔

再入道場紀事應制

前人

南方歸去再生天內殿今年異昔年見闢乾坤新定位
看題日月更高懸行隨香輦登仙路坐近爐煙講法筵
自喜恩深陪侍從兩朝長在聖人前以上寺院

○幸白鹿觀應制

李嶠

駐蹕三天路迴輿萬仞溪真庭羣帝響洞府百靈棲玉
酒仙壚釀金方暗壁題佇看青鳥入還陟紫雲梯

又

沈佺期

紫鳳真人劫斑龍太上家天流芝蓋下山轉桂旗斜聖
藻垂寒露僊杯落晚霞唯應問王母桃作幾年花

又

李乂

制蹕乘驪阜迴輿指鳳京南山四皓謁西嶽兩童迎雲
幄臨玄圃霞杯薦赤城神明近茲地何事往蓬瀛

又

崔湜

御旗探紫籙仙仗闢丹丘捧藥芝童下焚香桂女留鸞
歌無歲月鶴語記春秋臣朔何期幸常陪漢武遊

又

趙彥昭

雲驂驅半景星蹕坐中天國誕玄宗聖家尋碧落仙玉
杯鸞薦壽寶筭鶴知年一覩光華旦欣承道德篇

又

劉憲

玄遊乘落暉仙宇藹霏微石梁縈澗轉珠旃掃壇飛芝
童薦膏液松鶴舞驂駢還似瑤池上歌成周馭歸

又

徐彦伯

鳳輿乘八景龜籙向三仙日月移平地雲霞綴小天金
童擎紫藥玉女獻金蓮花洞留宸賞還旗遠夕烟

又

蘇頲

碧空青吹下藹藹入仙宮松磴攀雲絕花源接澗空受
符邀羽使傳訣駐香童詎似閑居日徒聞有順風

又

集作登驪
山寫眺

張說

洞府寒山曲天遊日盱迴披雲看玉鏡拂電上金臺竹

徑龍驂下松庭鶴轡來雙童還薦藥五色耀仙才

又

武平一

玉府凌三曜金壇駐六龍綵旒懸倒景羽蓋偃喬松玄
圃靈芝秀華池瑞液濃謬因霑聖渥長願奉堯封

奉和華清宮觀行香應制 崔國輔

天子蒞珠宮樓臺碧落通豫遊皆汗漫齋處即崆峒雲
物三光裏君臣一氣中道言何所說寶曆自無窮

奉和聖製慶玄元皇帝玉像之作

王維

明君梵帝先寶命上齊天秦后徒聞樂周王耻卜年玉

京移大像金籙會羣仙承露調天供臨空敞御筵斗迴
迎壽酒山近起爐烟願奉無為化齋心學自然

安國寺隨駕幸興唐觀應制

釋廣宣

東林何處是西隣禪客垣墻接羽人萬乘遊仙宗有道
三軍引路本無塵初傳寶訣長生術已證金剛不壞身
兩地同脩天上事共瞻鑾駕重來巡以上宮觀

臯陶賡歌迺邃古都俞氣象今讀之猶可想見後世相沿為應
制之什而極盛於唐雖率詞歸綺靡泝源尚取焉况掄揚
宸睿組繪畿闕下及一草一木亦繫之天葩帝藻自非題詠之
常可得例者是選別存篇類弗損英華之舊蓋識其大耳交識

苑詩類選卷之八終



